

„ვამტკიცებ“

თბილისის ფეხბურთის ფედერაციის

პრეზიდენტი

გ. ცაავა

2023 წ.



რეგიონული საფეხბურთო ტურნირი „ ვარსკლავი - 2023 “

2015 წელს დაბადებულ ჭაბუკთა შორის

(15 დეკემბერი - 19 დეკემბერი 2023 წ.)

სტადიონი - დინამოს აკადემია

რ ე გ ლ ა მ ე ნ ტ ი

1. მიზანი და ამოცანები

- ბავშვთა ფეხბურთის შემდგომი განვითარება და პოპულარიზაცია;
- საქართველოს ასაკობრივი ნაკრები გუნდებისათვის პერსპექტიული ფეხბურთელების შერჩევა;
- ჭაბუკებს შორის ჯანმრთელი ცხოვრების წესის პროპაგანდა
- გამარჯვებული გუნდების გამოვლენა.

2. შეჯიბრების ხელმძღვანელობა

- შეჯიბრებას ხელმძღვანელობს და ატარებს თბილისის ფეხბურთის ფედერაცია (შემდგომში თფფ).
- თამაში ჩატარდება „ დინამოს აკადემია-ს “ სტადიონზე, თფფ-ს მიერ დამტკიცებული კალენდრის მიხედვით.

3. ჩემპიონატის ჩატარების პირობები და ფორმატი

- 3.1. შეჯიბრებაში მონაწილეობას მიიღებენ თბილისის საფეხბურთო სკოლების აღსაზრდელები, 2015 წელს დაბადებული ბავშვები.
- 3.2. მატჩების ხანგრძლივობაა 40 წუთი (20-20 წთ), 5 წუთი შესვენებით;

3.3. 2015 წელს დაბადებული ჭაბუკები ითამაშებენ : 1 კარში და 6 წინ,

3.4. ქულების დარიცხვა მოხდება შემდეგნაირად: მოგება - 3 ქულა, ფრე - 1 ქულა, წაგება - 0 ქულა;

3.5. წილისყრის შედეგად შეიქმნება 2 ჯგუფი, თითოეული 4 გუნდით დაკომპლექტებული. ჯგუფში თამაშების შედეგად გამოვლინდება 2-2 საუკეთესო გუნდი, რომლებიც ნახევარ ფინალში შეხვედებიან ერთმანეთს და გამოავლენენ ტურნირის ფინალისტებს.

3.6. თანაბარი ქულების დაგროვების შემთხვევაში, ადგილები გაირკვევა შემდეგი პრიორიტეტული პრინციპებით:

3.6.1. უშუალოდ ერთმანეთთან შეხვედრების შედეგები (ჯერ ქულათა რაოდენობა, შემდეგ - ბურთების უკეთესი სხვაობა);

3.6.2. - მოგებათა მეტი რაოდენობა;

3.6.3. - ჯგუფში გატანილი და მიღებული ბურთების უკეთესი სხვაობა;

3.6.4. - ჯგუფში გატანილი ბურთების მეტი რაოდენობა;

3.6.5. - ფეირ-პლეის შედეგები;

თუ გუნდებს ეს მაჩვენებელიც თანაბარი აღმოაჩნდებათ, ადგილების გამოსავლენად მოეწყობა კენჭისყრა.

3.6.6. - ნახევარფინალისა და ფინალის სტადიაზე მატჩის ფრედ დამთავრების შემთხვევაში, დაინიშნება პენალტების სერია (5-5 დარტყმა და თუ საჭირო გახდა, თითო-თითო დარტყმა პირველ გაფუჭებამდე.)

3.7. გუნდის მწვრთნელი ვალდებულია შეხვედრის დაწყებამდე 30 წუთით ადრე მატჩის ტექნიკურ ოქმში შეიყვანოს მინიმუმ 10 და მაქსიმუმ 15 ფეხბურთელი;

3.8. თამაშის ოქმს მატჩის დაწყებამდე ხელს აწერენ გუნდების მწვრთნელები და მთავარი მსაჯი;

3.9. გუნდს უნდა ჰქონდეს ორი მკვეთრად განსხვავებული ფერის ფორმა, რის შესახებაც წერილობით უნდა აცნობოს თფფ-ს განაცხადის შეტანის დროს;

3.10. ტურნირში ნებადართულია ფეხბურთელების მუდმივი ცვლა;

3.11. ტურნირი ჩატარდება ჯერ ჯგუფებში, შემდეგ მატჩები ნახევარფინალში, თამაში III ადგილისთვის და ფინალი.

3.12. მატჩების დაწყების დროს განსაზღვრავს თფფ.

4. გუნდების განაცხადების გაფორმება

4.1. გუნდების განაცხადები თფფ-ში უნდა წარმოადგინონ არაუგვიანეს 2023 წლის 10 დეკემბრამდე.

- 4.2. თითოეული გუნდის განაცხადი დგება ერთ ეგზემპლარად და მასში უნდა იყოს მინიმუმ 10, მაქსიმუმ 15 ფეხბურთელი.
- 4.3. გუნდის განაცხადი დამოწმებული უნდა იყოს ჯანმრთელობის დაცვის სამსახურის ხელმძღვანელის ბეჭდით ან ყოველი მოთამაშის ჯანმრთელობის ცნობით წარმოდგენილი.

5. მსაჯობა

- 6.1. თფფ-ს მიერ ჩატარებულ საფეხბურთო ტურნირს მოემსახურებიან თფფ-ს სამსაჯო განყოფილების მიერ დანიშნული მსაჯები და მათი მომსახურების ხარჯებს აანაზღაურებს თფფ;
- 6.2. ტურნირის მიმდინარეობისას შეხვედრებს მოემსახურება 1(ერთი) მსაჯი.
- 6.3. მსაჯი ვალდებულია, შეჯიბრების ტექნიკურ ოქმში აღნიშნოს მოთამაშეთა გაფრთხილებისა და მინდვრიდან გაძევების შემთხვევები დროის ჩვენებით და დანაშაულის ზუსტი განსაზღვრით;
- 6.4. მსაჯი ვალდებულია, თამაშის დამთავრებისთანავე თფფ-ს აცნობოს თამაშის შედეგი;
- 6.5. მსაჯი ვალდებულია გუნდის თამაშზე დაგვიანება ან გამოუცხადებლობა გააფორმოს თამაშის ოქმში, რომლის შესახებაც უნდა აცნობოს თფფ-ს.
- 6.6. ფეხბურთელის შეცვლა ნებადართულია მოედნის ცენტრიდან, როდესაც ბურთი თამაშში არ არის.
- 6.7. მოედნიდან გაძევებული ფეხბურთელის ნაცვლად ნებადართულია სათადარიგო ფეხბურთელის თამაში.

6. სადისციპლინო სანქციები

- 7.1. გამოყენებული იქნება თფფ-ს მოზარდთა და ბავშვთა ლიგის სადისციპლინო კოდექსი.

7. დაჯილდოება

- 8.1. ტურნირის გამარჯვებულები (პრიზიორი გუნდები) დაჯილდოვდებიან თასებით,მედლებით, დიპლომითა და სათამაშო ეკვიპირებით.